



PREASSADIEDÁHUS SDR SÁMI DÁIDDÁRSTIPEANDA JUOLLUDEAMIT 2024

Sámi Dáiddárstipeanda váldolávdegoddi lea juohkán 2024 dáiddárstipeandaid, oktiibuot 2 124 000 ru. Váldolávdegoddi lea juohkán guokte bargostipeandda, guokte bargostipeandda nuorat easkaálgidáiddáriidda, guokte oanehisáigestipeandda ja iešguđegelágán smávit stipeanddaid.

Paul-Anders Simmai lea juolluduvvon bargostipeanda 1 jahkái

Paul-Anders Simma lea dovddus filbmadáhkki guhte guhká leamaš aktiivvalaš filbmadahkki. Son lea gaccan oahppu Filbmaskuvllas Dramatisk Institut Stockholm 70-logu loahpageahčín, ja lea ráhkadan sihke guhkesfilmmaid, oanehisfilmmaid, ráidduid ja dokumentáraid.

Paul-Anders Simmai lea juolluduvvon stipeanda ráhkadit mánusa filmii Berlin Zoo birra, mas ledje sápmelaččat ja eará álgoálbmot ledje oassi čájáhusas áigodagas 1870-1965. Dan áigge oidne sápmelaččaid ja eará álgoálbmogiid eambo dego šattut ja eallit ovdal go olbmožiin. Unnánat gažadehke ahte manin olbmuid čájehedje ovtta ealliiguin ZOOas. Juohke vahkko bohte duiskkut duháid mielde geahčat “Villaolbmuid” ZOOas. Carl Hagenbeck guhte damai ealliid lei dovddus ja njunuš jodiheaddji Human ZOOas. Norgga kapteainna J. A. Jacobsen lei Hagenbecka njunuš ártalaš ekspearta.

June Sommer Straskii lea juolluduvvon bargostipeanda 3 jahkái

June Sommer Straskas lea earret eará bachelor gráda kultuvrras Universitehtas Áлттás, sus lea maid oahppu mánusčállimis, mitalanteknihkas ja eará. Son lea álmмуhan 12 girjjit, sus leat mánnga lávdečájehemi ja son lea vuoitán earret eará monologagilvvu monologafestiválas Romssas.

June Sommer Strask áigu stipeanddaines čállit 3 girjji mánáide ja nuoraide “Luottat sániin/Spor i ord 2” mat leat sámi mitalusat mánáide, ja eará prošeavttaid nugo “Reisen til verdens ende- og litt lenger (Mátki máilmmi geahčái ja vel guhkkeli)” ja “En edelweiss til fru Pedersen (Edelweiss Pedersen ruvvái)”

Ohcamisttis čállá Sommer Strask ahte «Mu mitalusain lea Eallin fáddá, mii lea juoga masa juohkehaččas lea guoskevašvuohta. Munnje ii leat historjá dušše ovddešáigi, muhto maiddái dieđalašvuohta, viisodat ja birgen. Munnje lea dehálaš olahit nuoraid, go lea nu ahte «mađi nuorabun oahpásmuvvet sámevuhtii, dađi buoret»

Sommer Strask áigu “Luottat sániin/Spor i ord 2” girjjis čállit sámi mitalusaid ja sivdnidanmyhtaid iešguđetge guovlluin Sámis. “Reisen til verdens ende- og litt lenger (Mátki máilmmi geahčái ja vel guhkkeli)” lea mánáide romána sámi oappáš guovtto birra geat ealliba Norrøn áiggis. Girji čállojuvvo historjjálaš gálduid vuodul. “En edelweiss til fru Pedersen (Edelweiss Pedersen ruvvái)” lea romána nuoraide dan birra mo lei eváhkkui vuolgit Finnmárkkus nuppi máilmmisoađi áiggi, ja mo girjji váldopersovvna, gánda vásáhusat leat orrut eará báikkis. Dát girji lea rápmi duostilvuhtii ja eallinmuktii ja mo hálldašit stuorra hástalusaid ja massima.

Birit Haarla Pieskii lea juolluduvvon Bargostipeanda nuorat easkaálgi dáiddáriidda 3 jahkái

Birit Haarla Pieski lea oahppu ámmát baleahtadánsárin Suoma Nasionála Opera Baleahttaskuvllas Helssegis ja sus lea Bachelora Performing Arts Research and Training Studios Brusselis. Son lea oasálastán mánggaid čájálmasain ja festiválain.

Birit Haarla Pieski lea dánsár ja koreográfá ja beassá stipeanddain viidásat ovdánahttit bargguid mat leat álggahuvvon, ja vejolašvuoda ráhkadit odđa buvttadusaid, ohcat odđa ovttasbargokonstellašuvnnaid olahit gehččiid sihke Sámis ja riikkaidgaskasaččat. 2024is áigu Haarla Pieski oasálastit mángga proševttas, earret eará teáhter-musihkkabihtás «Juovssaheaddji» ja olles eahkeda čájálmasas «Čalmmiid čada».

Haarla Pieski bargá rumašlaš norpmain sámi geahčastagas, juoga mii fágálávdegotti mielas lea gelddolaš ja miellagiddevaš. Son ohcá odđa ovttasbargguid mat sisttisdollet musihka/luođi, video, installašuvnnaid mainna son sáhtá dutkat ja ovdánahttit iežas dáiddáriin. Fágálávdegoddi oaidná Haarla Pieski dego dehálaš aktevrán dánsundáidaga ovdánahttimii.

Lávre Johan Eirai lea juolluduvvon 3-jagi bargostipeanda nuorat easkaálgi dáiddáriidda

Lávre Johan Eira lea nuorra sámi artista gii lea ieš oahppan musihkkár gii álggahii iežas musihkkamátki árrat nuorraolmmožin. Son lea maiddá oahppan árbevirolaš juoigama iežas ádjás ja sogas. 2021:as vuittii son Sámi Grand Prix ovttas Hildá Länsman:ain. Dán jagi searvá son fas odđasit, dál ges árbevirolaš juoiganoassái. Eiras leat viiddis vásáhusat sihke nasionála ja internationála lávddiin, ja lea 2019 rájes bargan ámmát artistan, juoigin, teakstačállin ja komponistan.

Lávre áigu stipeandaáigodagas komponeret odđa sámi musihka ja čiekŋudahttit iežas juoigamii, ja seammás joatká son barggus ovdánahttit vuodu iežas solo karrierii. Eiras leat maiddá mánga ovttasbargoproševtta, ja stipeandaáigodagas áigu son maiddá čiekŋudahttit iežas dasa mo geavahit ja mo árbevirolaš sámi streanŋa čuojanasa sáhtá ráhkadit.

Peter Martin Mienna Hættai lea juolluduvvon 6-mánnoš oanehisáiggi stipeanda

Peter Martin Mienna Hætta lea sárgun govaid sámi mánáidgirjjiide, oktiibuot 8 mánáidgirjjiide, 1 lávllagirjái ja son lea dál sárgumin govaid mánggaid oahppogirjjiide.

Mienna Hætta áigu dál gálligoahtit luotta álggahit iežas dáiddalaš ámmátbarggu ja álggahit iežas vuosttas sierra proševtta. Son háliida ráhkadit sámi fantasi-spealu sámi kultuvrra, álbmotmáidnasiid, imašlaš fámuid ja mytologiija vuodul. Son áigu hábmet spealu máilmmi konseptadáidagiin, sárgumiid bokte, musihkain, mánusa bokte ja 3D-dáidagiin. Spellui háliida son váldit mielde sámi jietnaneavttáriid ja musihkkáriid.

Fágálávdegoddi diehtá bures ahte visot dáid áigumušaid ii leat vejolaš čadahit guđa mánus, muhto dáinna stipeanddain háliidit sii veahkehit ja láchit vejolašvuoda Mienna Hættai álggahit barggu.

Elisabeth Thorsen lea juolluduvvon 6-mánnoš oanehisáiggi stipeanda

Elisabeth Thorsen lea oahppan skomáhkár Pluss skolen bokte. Son lea dáiddaduojár gii bargá skuovaiguin, vuovttaiguin/guolggaguin, tekstiillain ja jienain mat gullet bácciide ja performancii. Son lea oasálastán mánggain internationála čájáhusain earret eará Londonis, Dubaias, Los Angelsis og Wienis, ja son lea maiddá ovddastan norgga dáiddaduoji earret eará World Craft Council, Europe ja House of Norway.

Thorsena dáidagiid leat olu iešgudetge nationála ja internationála institušuvnnat oastán (ea.a Sámediggi).

Thorsen háliida joatkit ovdánahttit barggus čájehit bácciid ja skuovva-designain ja maiddái joatkit ovdánahttit iežas ámmáha friddjastiillat musihkkárin ja performance dáiddárin sihke nationálalaččat ja internášunálalaččat. Sus háliida vurket, viidásabbot ovdánahttit ja ođasmahttit árbevirolaš norgalaš ja sámi daiddaduiid iežas viidásat barggus. Son háliida vuodjudit iežas iešgudetlágan teknikkaide mat duojis leat, dainna ulbmiliin ahte beassá geavahišgoahtit dáid iežas bargguiguin.

Iešgudetlágan smávit stipeanddat leat juolluduvvon:

Juoigi ja girječállái **Karen Anne Buljo** lea juolluduvvon 35 000 ru. mátkestipeanda.
Dáiddárii **Eirin Rosenberg** lea juolluduvvon 49 000 ru. stipeanda dáiddárorrumii.
Komponista ja artistii **Inger Johanne Oskal** lea juolluduvvon 30 000 ru. mátkestipeanda.
Filbmadahkkái **Paul Simma** lea juolluduvvon 37 000 ru. mátkke- ja researchstipeanda.
Girječállái **Kathrine Nedrejord** lea juolluduvvon 38 000 ru. ávnasstipeanda.
Visuálalaš dáiddárii **Ramona Irene Myrseth** lea juolluduvvon 49 000 ru ávnasstipeanda.
Artista ja juoigái **Marit Olesdatter Hætta** lea juolluduvvon 39 000 ru. mátkke/bagadalli stipeanda.
Artistii **Elin Käven** lea juolluduvvon 35 000 ru. ávnasstipeanda.
Musihkkaartistii **Sara Ajnnak** lea juolluduvvon 49 000 ru. mátkestipeanda.
Filbmadahkkái **Ingir Bål Nango** lea juolluduvvon mátkke- ja researchstipeanda.
Girječállái **Liv Tone Boine** lea juolluduvvon 50 000 ru. ávnasstipeanda.
Visuálalaš dáiddárii **Christin Løkke** lea juolluduvvon ávnas- ja kursastipeanda.
Visuálalaš dáiddárii **Peter Martin Mienna Hætta** lea juolluduvvon 18 000 ru. ávnasstipeanda.
Visuálalaš dáiddárii **Gjert Rognli** lea juolluduvvon 25 800 ru. mátkke- ja researchstipeanda.
Lávdedáiddár ja girječállái **Marja Lisa Thomassen** lea juolluduvvon 49 000 ru. álggahan- ja ávnasstipeanda.